

種痘新書

種痘新書序

嘗聞天無私而化生地無私而化成
聖人無私而大道行於千古蓋無私
者之爲利普也而技藝之中醫利貫
姓隣術余友遜玉張先生少肄舉業
早入泮林利濟心淡痼癥念切奈屬
金匱試悉落孫山乃退而言曰不爲

良相當爲良醫遂潛心醫術而於痘疹愈加意焉夫痘疹之發刻日限期危而且急治之如救焚拯溺非若他症可以遷延時日也况黃口嬰孩五臟未固六脈無憑雖有望聞難於切問藥固不敢猛攻症又不容緩救盤根錯節利器有時而難施惟先生獨

神其術遍行州郡濟衆扶危四方咸
以二天戴之余乃問先生高術何自
而傳先生爲余言曰昔聶久吾先生
蒞任寧陽余先祖拜其門下于痘科
得其手書又兼口授襲箕裘者已三
世矣予曰公家既有秘傳曷不公之
于世普利羣生先生嘆曰醫書充棟

惟種痘之術不傳蓋術家欲專其利
故秘其術以自私也余行術數十年
閱歷既深臨症亦衆痘症之險變幻
多端余已斟酌萬全投劑輒應今余
年將就衰欲將其術傳之天下故續
述遺篇詳加參考且將祖父秘傳一
一書之於冊意欲付之剞劂以爲濟

世良方公蓋爲余序之余乃歎曰先生此舉卽天地無私之心也蓋秘其術以救人救在一方不可以及天下救在一時不可以及後世此書一出而天下後世之嬰兒如賴一家之父母卽爲當朝良相未必父母乎天下卽父母乎天下未能父母乎後世先

生之功不居然良相之上先生之德
不儼然與天地聖人參乎予乃欣然
握管以弁其首云

筆山伍士玉琢章氏謹題

自序

今夫創千古未有之奇裁一心獨得之蘊以新岐黃之耳目者乃得謂之新若治痘之家名賢濟濟即治痘之法汗簡盈盈但墨守一室者拘管見而不能通循行故轍者泥常法而不知變率由舊章陳陳相因已耳即以

舊章而論宇內方書總無種痘之說
豈治痘之方則宜傳之於世而種痘
之術不可向人言乎蓋秘其訣而不
肯筆之于書私其技而不欲公之于
世也余今乃洩人之所未洩傳人之
所不傳書不云新亦何云乎或謂痘
為最險之症當天行癘疫人皆惶惑

方思遠避之不暇况集嬰孩小子所
影無端取而種之是舉無疾之人憑
室而授之以病也仁者將安忍乎余
曰不然痘乃先天之毒方陰陽交感
之際早已植根於胎九一過五運變
遷時行疫氣之感從末有不發者若
俟其既發而始圖之則疫氣流行症

多不順又或付之庸手表裏虛寔之
莫辨溫涼和解之不明既不能起死
以回生反歸咎于天災之作孽此余
所以痛心疾首不能不致嘆於消患
於未萌保安于未危者其功為甚鉅
也惟于無事之日以佳苗而引胎毒
斷毒不橫而症自順敵曰人謀能奪

造化之柄哉亦趨吉免凶保安無危
仁人慈幼之善術耳余祖承聶以吾
先生之教種痘箕裘已經數代余讀
父書遍臨痘症幾及萬人用數十年
艱苦之思日憂勤於治痘之法師古
而不泥於古讀書不盡信其書辨症
發藥因病制方重可使輕逆可使順

危可使安雖遇不治之症亦或為之
治矣但年暮力疲無復四方之志爰
將生平學力悉單於書非敢曰創千
古未有之奇也特以獨得而心裁者
公之千世以補慈幼之術而新岐黃
之耳目云爾故題之曰種痘新書

清乾隆六年辛酉歲次仲春月穀旦
三山汀郡寧陽張琰遜王氏
題

痘疹新書凡例

一醫宜首明藥性藥性若熟則左宜右有隨症立方因時加減百無不效故首卷必先藥性况痘症之發限日限時而藥方有因時而用者故詳辨前後之所忌與先後生熟之所宜令學者覽之知某日當用生某日當用熟某藥忌於前某藥忌於後庶不至於有誤也

一望聞問切證家之要缺一而不可也但痘症多出小兒既無脉之可憑且痘出則肌肉浮腫而又難于切脉况痘毒雖內臟腑疔盡程于皮膚觀其外即可知其內是又不必深求于脉也故于脉訣畧而不詳欲學者留心于望聞與問而已

一方書極備于往昔余嘗博覽各書採取奇方留心數十餘年擇其效著而存之其不效者而去之更雲遊宇內遍訪高明所得家傳秘訣悉呈于書以傳天下

一書中議論或出于一己之化裁或因乎前賢之故典蓋往昔不刊之論不敢復增一字必傳爲萬代之讀剖晰不厭詳明無妨條呈法度以爲學者之則此爲述爲作無非互相發明也

一書中分順險與逆順者不必治逆者不可治似祇教治平陰痘也孰知不必治者而妄治之正恐誤投藥餌症之輕者而反變重不可治者而強治之及治而立斃必效旁人之誚效

詳而分之使學者固無忘治之弊亦免管見之譏也

一治痘要藥悉呈於前令學者依方而製丸散以備緊急之用其餘治痘諸方詳載于後令學者參考擇取以博醫方

一書中圈點非取其文之妙辭之雅也是取其理之確議之當爲千古不磨之真訣然後疊疊而重圈至于疊點之處亦爲緊要之言其或三角圈者或藥名或標方標症庶不致於紊淆學者切宜緊記慎勿泛泛讀過不爲留意致負余之望也

一書分仁義禮智信五部以配天地之五行

新陽張遠玉先生集種痘新書目錄

仁部

首卷

業醫三要

藥性

二卷

十二經絡

痘疹脈法

五勝見症

指南賦

節制賦

權宜賦

金鏡賦

用藥

調劑藥品

開藥室誤人

痘原賦

臟腑虛寒見症

臟腑實熱見症

虛症似寒

寒症似虛

新陽張遠玉先生集種痘新書目錄

虛症變寒

實症變虛

表裏虛是寒熱

表虛調治法

表實調治法

表寒調治法

表熱調治法

裏虛調治法

裏寒調治法

裏寒調治法

裏熱調治法

汗下論

氣血論

四時調治法

治症宜審台方水土

輕症歌

重症歌

逆症歌

死症歌

七症不治

辨痘吉凶

死裏復生十症

三卷

關王家怨咎醫人

論痘宜種

辨苗吉凶

擇苗秘訣

藏苗法

論苗貴新賤舊

施苗秘訣

先觀小兒形色然後施苗秘訣

論要敬神

論宜避穢

論痘後日期

起壇法

寫神位法

起壇總訣

解厭法

解壇法

二十四頂方

備要丸散

附用法

四卷

調理法三條

小兒進藥法

乳母服藥

八門看痘法

痘疹傷寒辨

將然照法

痘症日期

痘症傳變

痘痘總訣

初熱辨症賦

初熱三日調治法

附推拿法

初熱三日雜症

驚搖

腹痛

嘔吐

乾嘔

吐黃水

吐清水

吐濃痰

吐臭痰

挫喉

泄瀉

閉結

泄紅

泄白

泄黑

發熱

寒熱並作

口渴

煩燥

亂語

頭痛

目閉

咳嗽

喘急

聲啞

喉痛

心胸痛

腰痛

身痛

手足搖

十指冷

足冷

手心痛

手足痛

眼出血 耳出血 大便血 小便血 口吐血
鼻衄血 諸失血 厥冷 眼露白 唇青
中風 中痰 噎氣 不食 凡疔
腹脹 二便 吐瀉蛔蟲 寒戰咬牙
初起逆症

禮部

五卷

面圖

面部圖

論部位

辨按標不拘部位

五臟見症治法

五條

異症類

見點辨症賦

見點認痘法

痘疹書

目錄

見點三日調治法

見點要谷當期

見點順症

見點險症

見點雜症附

驚謔

腹痛

嘔吐泄瀉

夾斑丹疹癰

夾水痘

痘疥

痘入眼

水痘 瀉痢

見點逆症

六卷

起脹辨症賦

起脹三日調治法

起脹順症

起脹險症

五陷治法

起脹雜症附

發熱

日渴

痢部

泄瀉

七卷

乾嘔

腹脹痰鳴

煩悶

大小便血

咳嗽

喘水

喘喉

失聲咽痛

起脹逆症

灌漿辨症賦

灌漿三日調治法

灌漿順症

灌漿險症

灌漿雜症附

發熱

作瀉

咳嗽

痘痛

作痒

吐瀉

腹痛

腫脹

筋腫開目

譫語

寒戰咬牙

諸竅出膿

咽痛

失聲

水泡

紫黑泡

流涎

不食

手足牽

筋骨疼痛

中風

攻漿 倒陷

灌漿逆症

智部

八卷

結痂辨症賦

取結三日調治法

結痂順症

結痂險症

結痂雜症附

倒靨

頭痛

咳嗽

聲啞

手足牽引

手足拘攣

手足冰冷

泄瀉

飲食

腹脹而痛

陰囊腫脹

潮熱

齒痛出血

咬牙寒戰

譫語

面唇紅紫

結痧逆症

九卷

痘後辨症賦

痘後調治法

痘後難症附

潮熱

痘痂不落

發痒抓破

痘後成瘡

唇不蓋齒

坐立戰搖

飲食倍進

諸瘡

痰癰

赤火流丹

走馬牙疳

唇口生瘡

耳病

腹痛

不食

心痛

虫痛

手足厥冷

昏迷錯語

驚搐

咳嗽

尿血

秘結

汗

諸失血

吐衄

痼癰

便下膿血

餘毒痘癰

鼻淵

眼目

痘後逆症

十卷

女子出痘

孕婦出痘

十一卷

麻原賦

麻疹西江月十三首

麻症辨論

槩論治法

麻症與傷寒辨

麻症輕重

麻家四忌

麻症初熱調治法

麻症既出調治法

麻後餘症

孕婦出麻

信部

卷一

彙集諸麻疹方 共計三百八十八方

稀痘 二十一方

發表解毒 十五方

驚癇 十方

腹痛 十方

大便秘結 十九方

小便不利 五方

嘔吐 十一方

泄瀉 七方

噎氣不食 三方

喘急痰鳴咳嗽失音 十五方

口乾咽痛 十三方

口瘡口臭牙疳 十五方

諸失血症 七方

頭痛身痛腰痛癰痛 九方

痘出不快 七方附治痘母

發痧 三方

連熱驚癇紫黑乾焦 三十方

起紫黑陷 二十二方

起灰白陷

三十二方

通起五陷

十二方

四時不起

四方

養血活血

七方

治痘瘡塌

七方

痘爛損破出血

九方

復灌難靨

五方

痘瘡難落

五方

痘疔

五方

餘毒

二十方

手足帝強麻木

三方

痼癩下膿血

九方

浮腫

三方

治汗

二方

避穢解穢

三方

眼目

十二方

安胎

五方

退經

二方

調經

二方

瘀血

肥兒

夾疹

虛火

種痘新書卷之一

汀龍寧邑張 琰遜王氏編輯

受業曾衡波仝參

業醫三要

一要善變。善藥以治病。方隨症立。切不可膠柱鼓瑟。信其書而
不泥於書。用其方而不執成方。隨儀觀變。加減得宜。方爲良
醫。

一要小心。蓋小兒不能言語。又無六脈可憑。其腹中之事。全在
醫人觀察。察色審聲。問症細細體察。方知就裏。若心粗氣浮。
一語即決。解不誤人。

一。要輕財。醫爲仁術。當以救人爲急。而時醫偏以獲利爲先。一到人家。乘人慌亂。愈出危言。病止五分。則言八分。病到八分。如見肺肝腸胃暢決。則言不治。其意以爲醫之而愈。則顯其能。可以索其厚謝。醫之不愈。則堪辭責。亦不至於敗名。孰知延醫之際。爲父母者早已憂心如焚矣。而故爲恐訛於心。其何忍乎。况索利而後與藥。貧人或未應允。小兒變症易出。未幾病歸臟腑。藥力無功。豈不誤人性命哉。又有其症不必服藥。爲貪軀體。故出三方。不宜表補之。中誤爲表補。以至輕症變重。貽禍不淺。是皆貪利所致也。學者切宜戒之。

藥性

升麻味甘苦氣平微寒浮而升陽也

止瀉密炒用

頭面多并有吐者忌

陽明經藥陽明主肌肉欲痘之出必使肌肉疏通送毒盡出方免後患故初發宜用每用五分至一錢直至出盡方止但有汗或體弱者宜減之恐表虛也七日後瀉不止者炒黑用之或痘不起者亦少用之蓋能提清氣上行也 解百毒殺精鬼辟疫癘止喉痛兼治頭痛鼻衄口瘡

葛根味甘氣平性輕而浮陽色白而陳久者佳

陽明經藥能解肌熱止煩渴開提胃氣與升麻同功惟虛症

莫用初熱無汗可用既汗不可復用痘出後則不敢用止
嘔吐頭痛散血痢鬱火

前胡味苦氣微寒 嫩者佳水洗去蘆

主心腹結氣治風寒發熱咳嗽喘滿解內外蓄熱去痰涎七
日內熱不退者宜重用之斷不可缺大有升水之功

柴胡味苦微寒氣味俱輕陽也 去蘆用蜜水炒

瀉肝火引清氣行陽道體虛不敢過表者宜用 治傷寒瘧
疾寒熱往來嘔吐脇痛口苦耳聾目赤頭痛癰貫結成五疳

熱

蘇味辛甘氣溫

一解肌發表初熱宜用痘出卽止治心腹脹滿開胃下氣

麻葛味辛甘氣溫氣味俱薄陽也去根節酒盞全炒

最發散善出汗泄衛中實去榮中寒走皮毛開孔竅多用必致表虛惟毒盛喘滿身熱燼人欲出不出者宜暫用之若有實熱陰症八九日尚無漿水者可用二三錢加附子數片黃柏數分酒炒與服令出臭汗變爲爛痘庶可得生欲行此法必其人能食神清聲亮天庭痘有生意方可用也否則不宜根能止汗

羌活

味辛苦性溫散而上升陽也

瀉肝氣搜肝風散肌表八風之邪利周身骨節之痛理頭旋

目赤

獨活 味辛苦微溫氣味輕陽也

理頭項難舒兩足脾濕散寒邪驅熱毒壯熱增寒者獨宜用但羌氣雄其力廣故上身出不透者用羌活獨氣微而走足故下身出不透者用獨活二者俱能散風雖不可缺然見點後宜去之

防風 味甘辛氣溫陽也去蘆上部用身下部用梢畏草薺惡

乾薑白藜羌花解附子毒

搜肝風瀉肺實散頭目滯氣除上焦風邪解痘後餘症每用三四分多則損人一出不一者用之霍亂時亦可助參芪之

九尾手癰不起。與白芨、桂枝、全用瘡大濕亦用之。爲能驅風勝濕也。

荊芥

味辛、氣溫。治血、炒黑用。

辟邪氣、利咽喉、清上焦火邪、止血熱、作痒、清熱解癰、破結散毒、爲風病血病瘡家聖藥。痘出不快者用之。但止宜三四分。多則耗氣、滯膿時不敢用。

白芷

味辛、氣溫、輕而陽也。惡旋覆花。

散風除濕、通竅表汗、治頭痛、牙痛、止眼痒、目淚、療身熱、善行漿、損膿、止痛、托裏生肌。是攻痘漿之聖藥。八九日間斷不可缺。必其漿足乃止。痘後疽毒亦宜。

桔梗 味苦辛而氣平陽中之陰也去蘆畏白芨猪肉龍胆

開提氣道善理咽喉表散寒邪能開胸膈去痰涎定喘塞爲藥用搗破之上浮引諸藥於至高之分以成功且養血排膿始終宜用惟嘔吐氣逆者缺之而部不起者當倍加之入肺瀉熱咳嗽宜用取北地者爲佳

甘草 味甘氣平生能解黃芩則溫中故六日以前生用七日以後炙用稍止莖中作痛節治腫毒諸瘡生用氣平解胃熱而瀉心火炙用氣溫補元氣而散表寒入和劑則補益入汗劑則解肌入涼劑則瀉邪熱入潤劑則養陰血自始至終皆宜惟腹脹者則當減去爲甘能緩中且不可多用多則和性

君藥而無功

連翹味苦氣平微寒 去心帶

除心經血熱降脾胃濕熱散諸經血凝氣聚消腫排膿爲瘡家解毒聖藥前後皆宜惟氣虛無毒者莫用

牛蒡一名大力一名鼠粘味辛苦氣平 炒用

善解毒理咽喉開風痰去浮腫乃痘家聖藥前後皆宜

蟬退味酸甘氣清虛而寒

驅風除熱從生下胎治中風失聲小兒夜啼能發痘毒但不宜多用多則其後虛枯空壳故每用一二分則止然用在見點二三日上灌漿時則宜慎之 治目翳與驚癇宜去翅足

若發瘡起倒陷則宜留翅足

覆蠶味辛微溫色白者佳以糯米泔浸炒乾惡桑螵蛸伏神精梗魚解

主驚風痰壅昏悶失音四肢搖掣消癰癰拔疔毒滅瘡癰能瀉膀胱相火引清氣上朝千口瘡疽無頭者燒灰調酒服雄蠶性淫主固精陽交接不倦治瘰作瘰亦解毒許暫用

穿山甲味苦氣微寒炒黃色研末調服

善追毒排膿引藥入腦腦透肌骨凡瘡不起者用數分于補劑中治條毒者亦宜用之但元氣虛者慎之通經絡入病所走肝門下乳通經潰瘡消腫尾甲之力更勝

紫草味苦氣寒

涼血活血去血分之毒。凡痘色乾紅或焦紫發癰皆宜用。但色轉卽止不可過用。加糯米亦能發痘。宜用者涼心開竅使痘發越而易起。不可過者恐大便利而真氣泄也。故有瀉者用煎過紫草片。

紅花味辛苦。入肝經而破瘀血。入心經而生新血。行滯活血。痘疹血熱者宜用之。但少則養血多則行血。過用則血行不止。又不可不慎也。

生地黄味甘苦。氣微寒。陰中陽。酒洗則上行。忌萊菔鐵器。

止鼻中之衄血。除五心之煩熱。瀉脾胃之濕熱。涼心火之血。

熱涼血生血痘色乾紅焦紫及發症者俱宜用但能滑腸瀉者缺之

熟地黃味甘而微溫性沉而降陰也用酒浸蒸晒九次

滋腎水補真陰填骨髓生精血扶腎中元氣有補血養血之功腎經發痘無膿而血虛者宜于補劑中用之但其性滯而沉須佐以升陽達表之藥乃能起痘升漿涼血用小生地補血兼涼血用大生地純補勿熱地

犀角味苦酸而氣寒入湯藥磨汁用人乳散剉細納懷中待熟搗之立碎以角尖爲佳忌鹽

涼心瀉肝清胃中大熱祛風利痰辟邪解毒治吐血衄血狂

諸驚悸消瘕化膿起痘瘡黑陷但性寒涼不敢多則恐損陰血血虛者斷不可用

羚羊角味酸而氣寒

以角掛樹而宿故角有掛紋者真

入肝經散瘀血祛熱毒治驚癇寧心志理筋風辟邪與肝經熱甚痘瘡黑者可少許但其性寒涼先人虛弱者不可妄用

虎骨味辛微熱

以頭脛骨爲佳虎肚治反胃

追風健骨定痛辟邪理風痺顛癇痘後風疾手足拘攣者宜用之

丹皮味辛苦氣寒

內厚者佳長貝母大黃忌蒜胡荽

入肝及心胞瀉血分中火和血涼血面生血破積血正吐衄
除煩熱瘰癧瘡退無汗之骨蒸痘色紅紫界地不清而壯熱
者宜用但能散氣氣虛者宜以用

地骨皮味甘淡而氣寒

降肺中伏熱瀉肝腎虛熱能涼血而補正氣除有汗骨蒸而
解肌熱凡見點後身熱不退者宜用一二錢于解毒藥中熱
退即止

木通味甘淡而性輕虛

降心火清肺熱通膀胱導諸濕熱由小便出治淋瀝消水腫
能逐毒于孔竅與川芎同功有耗氣宜惟起脹時恐水利而

汁不升故不敢用

通 色白氣寒

入肺經引熱下行引氣上達下乳汁治五淋通九竅利小便
初熱宜用以開竅逐毒見點後缺之

滑石 味甘氣寒 滑胎

利竅滲濕益氣瀉熱能降心火上開腠理而發表下走膀胱
而利水爲蕩熱祛濕之要藥初熱時用收瀉亦用惟起水時
莫用潮症和白朮末摻之

車前子 味甘氣寒 下胎

涼血去熱明目通淋清肺肝風熱滲膀胱濕熱利水去積疔

初熱時用，痘後水腫亦用。

地膚子 味甘苦氣寒

益精強陰，入膀胱以除熱，利小便而通淋。能除癰疽惡瘡，平日兼有瘡疥者宜用之。

澤瀉 味甘鹹氣寒 酒浸用，忌鉄。

入膀胱利小便，消浮腫，止吐瀉，能祛六腑之濕熱，凡痘六七日前實症吐瀉者用之，收靨痘後亦用，惟升水勿用。

猪苓 味苦淡氣微寒，升而能降。

入膀胱通小便，開腠理能發汗，治傷寒癰疽大熱，解渴消水，痘之苗尾且用，惟八九十日缺之。

鹽炙味苦氣寒

降心火利小腸。逐膀胱邪熱。爲開泄要藥。痘後毒入膀胱。爲淋。爲腫者。宜用之。

大腹皮味辛氣寒

鶴鳥多棲其樹。宜洗淨。用。

利小便。解熱毒。下一切氣。凡腹脹浮腫。非此不除。非治熱。則霍亂痘後。用氣虛者忌。

石膏味淡甘辛氣寒甚。火煨過用。

善清胃火。凡痘舌焦唇腫。初熱口臭。咬牙。夾斑夾疹。熱好飲者。俱宜用。胃氣虛者忌之。痘後齒痒。口爛者。亦不可缺。恐寒胃氣。則宜與噲。

枳殼味苦辛氣微寒 陳者佳煨炒用

破胸中痞塞散腹中結滯瀉肺氣走大腸與枳實性速治血分只壳性緩治氣分只塞利脾胃疳家初熱毒盛鬱結大便不通而出不快者宜暫用其能破氣氣虛者忌行禁起脹以氣爲主亦不敢用痘後結胸咳嗽亦用

青皮味苦而氣溫 橘之青而未黃者

疏肝瀉肺破滯消積利痰解鬱最能發汗初熱時腹痛可用虛人亦是

陳皮味苦辛氣溫 去白名橘紅兼除寒發表核治肺氣葉散

乳懸世廣中陳公者爲佳

入脾肺調中快腸導滯消積宜通五臟下氣祛痰且健脾胃
痘之初熱以至結痂俱可用但多則損人元氣

玄參味苦鹹氣寒蒸過用忌銅氣反藜蘆惡黃芪畏重

入腎壯水以制火益精明目最利咽喉開聲音苦去無根浮
游之火止痘之夾痧丹疹癰者斷不可缺咽喉痛者亦宜用之

山豆根味苦氣寒

清金瀉火專治喉痛咽癢腫牙疼且解諸毒

藜蘆味辛甘氣微溫出交廣

快氣和中開胃止嘔去惡氣進飲食治霍亂吐瀉心腹絞痛

痘家胃寒嘔吐者急宜用之

砂仁味苦辛氣溫

養胃進食定痛安胎止吐如神脾胃虛而吐瀉者莫缺

麥冬味甘苦氣平微寒去心惡欲冬畏苦麥冬甘木耳

清心潤肺瀉熱除煩消痰定嗽生津止渴痘出心經煩渴不寧者宜用氣虛胃寒者莫用

五味子五味俱備北庭紫黑者佳南庭者去肺中風寒

收斂肺氣而滋腎水除煩止渴寧嗽定喘痘家初中忌痘後久嗽方宜蓋微汗固腸恐閉毒也

黃芩味苦氣寒祛邪瀉肺火清肌熱條本瀉大腸火補腸

小酒城步行瀉肝脾。外用猪胆湯炒。泉州皮丹砂。
情肺熱瀉中焦。實火除脾家濕熱。止瀉安胎。寧嗽解毒。痘初
見點熱毒盛者。必宜用之。而兩額紅紫且秘者。尤不可缺。惟
九日後不敢用。痘後餘毒亦宜。

黃連

味苦大寒

出四川。生用治心火。胆汁炒治肝火。酒炒治

上焦火。姜汁炒治中焦火。鹽水炒治下焦火。惡菊花玄參鹽

煮白鮮。款冬牛膝殺巴豆毒。

入心經。瀉肝火。益肝胆。厚腸胃。消瘀血。除煩止渴。明日定驚。
善解諸毒。痘初熱而譫語狂言煩燥不寧者。非此不能解其
熱。天庭稠密。心經毒盛。大便秘結。毒壅腸胃者。尤宜。痘後下

痢。與。疳。毒。入。眼。俱。不。可。飲。惟。虛。人。忌。用。

胡黃連 味苦氣寒 心黑外黃醋炒

去心熟益肝厚腸治骨蒸去煩熱消食積爲疳積良藥痘後積熱生疳積瀉潮熱咳嗽俱宜用

梔子 味苦氣寒 生用瀉火炒黑止血黃汁炒止煩嘔內熱用

仁表熱用皮

瀉心肺之邪熱解三焦之鬱火引之屈曲下行從小便出治吐衄血淋痢疾痘家初熱與痘後或用其中不宜

黃蘗 味苦氣寒

瀉和火滋腎水除濕清熱滋陰降火而治骨蒸壯腎經發痘

者宜用之。痘後陰囊腫與陰虛火動者亦宜用。

牙硝性硝玄明粉味辛苦大寒。硝之在底者爲朴在土而有

芒者爲芒硝。用硝大礮火段成粉爲玄明粉。

三者俱能去胃中之實熱。腸中之宿垢。乃下藥之猛者。痘家用之。乃是霸道。萬勿輕試。

大黃味大苦氣大寒。出四川綿紋者佳。酒蒸九次用。

入脾胃大腸。其性走而不守。酒制亦能引于至高之分。用以
蕩滌腸胃。下秘結而除痰熱。凡下刊痘癰吐衄血閉血中伏
火一切實熱。其力能祛。但敗腸胃傷元氣。痘以調元爲要。斷
不可輕用也。如大便不通。不若未去油之豆蔻以潤其腸。斯

可矣。惟痘後餘毒，合敷藥以擦癰疽，則宜用之。

牽牛

味辛，氣熱，有毒。

有黑白二種，黑者力速。

瀉氣分濕，熱通大腸，秘結利大小便，殺虫墮胎，亦爲下藥。痘家所忌。

山楂

味酸，甘，氣溫平。

健脾，行滯，消食，去積，發痘，排膿，化痰，散癰，痘家初中至尾，俱宜用。又能破參芪之滯，亦監制參芪之品也。

麥芽

味鹹，氣溫，消米麴果食之積，痘後疳積宜用。

健脾助胃，寬腸下氣，消食去積，散結祛痰。

神曲

味辛，氣散，調中開胃，化水穀，消積滯。

扁豆味甘氣溫

調脾煖胃降濁升清泄瀉宜用

以仁味甘淡氣微寒

健脾利水瀉濕祛風止泄瀉消水腫理脚氣凡痘泄瀉與取
麝寶漿俱宜用痘後手足拘攣筋節牽強亦宜用

黃芩味辛甘氣溫

治血酒洗有瀉用土炒畏蒲黃

入心肝脾補血行血安胎寧志定痛排膿痘必積血以載毒
故首尾俱宜而行漿時尤爲要藥惟兩頰通紅不分顆粒者
此血熱妄行則宜缺之然滑大腸瀉者亦忌

何首烏味甘苦氣微溫

白赤二種赤入血分白入氣分大者

藥性

七

佳忌鉄器用黑豆拌勻入砂鍋九蒸九晒

堅腎補肝添精益髓調和氣血消諸瘡癰腫療癆傷久瘧痘至九日後宜用之以能排膿化毒亦可止血熱作痒痘後亦宜用之以消餘毒

川芎味辛氣溫浮而升陽

乃血中之氣藥助清陽而上行頭目理一切腹痛頭痛氣鬱血鬱筋攣目淚在痘家有升提起發之功不可不用然亦不可多用多則走人真氣痘起脹後宜去之

白芍味苦酸氣微寒酒炒用惡芒硝石解畏鱉甲反藜蘆

入肝脾血分瀉肝火安脾肺固膜理和血脉寬中止痛散惡

便治癰腫疔氣。斂汗安胎而止瀉痢。凡痘血熱者。生用則能活血涼血。血散不收。痘暈不聚者。炒用則能歛血歸根。痘痛甚者。生磨酒服。其痛自止。目疾瀉清俱宜倍用之。蓋能清肝而目自安。制肝而脾乃健也。但初熱莫用。恐固肌而遏毒也。

赤芍主治畧同。

能清肝火。散惡血。白芍兼補而收血。赤芍純散而瀉血。故六日以前宜用赤芍。八日以後宜用白芍。白益脾能於土中瀉水。赤散邪能行血中之滯。

鹿茸味甘氣溫純陽。

紅如瑪瑙。破之如木者佳。用酒炙酥。不

可嗅之有虫恐人鼻類

生精益髓補血助陽強筋健骨乃托漿之聖藥痘之灰白伏陷者非此不能起也托裏之劑安可缺乎

紫河車味甘鹹性溫卽胞衣長流水洗淨酒蒸焙乾

本人之血氣所生故能大補血氣但以人補人仁者固不忍用況或有病之婦其胎有毒服之反致害人戒之

人牙味鹹性溫有毒火煨用

可治痘倒陷

人乳味甘鹹

調五臟補血液澤皮膚本血所化故痘家卽用以攻漿然必

壯旺之婦。乳白而稠者爲良。

人中黃性寒。納甘草于竹筒。塞孔浸糞缸中。二三月取出洗懸風處。陰乾。取甘草用。

入胃清痰火。消食積。除五臟。是熱。治天行。瘡。役。解。諸。瘡。惡。毒。痘。疹。血。熱。凡。痘。之。紫。黑。陷。伏。非。此。不。起。也。

從清濾過糞汁。入新甕。埋土中。一年。乃。用。亦。起。痘。黑。陷。人中白性寒涼。以溺器內尿。塗。焙。乾。

降火散痰。治肺癰鼻衄。起。疔。瘡。倒。陷。理。痘。後。牙。疳。口。瘡。

血餘取頭髮。用皂角洗淨。燒灰。胎髮尤佳。氣微寒。

入肝腎補陰消痰。治諸失血。痘疹有鼻衄不止者。吹入鼻中。

女子出痘經水不止亦調酒服或吐血便血俱宜。

人參生甘若微涼熟甘而溫畏五靈脂惡皂角黑豆藜蘆

大補元氣止渴生津定驚除痰回元神子無有之鄉返魂魄
子危亡之際定虛喘而領游退虛熱以升漿開胃化食止瀉
安眠凡痘漿清灰白痒塌不起非此不能救其危惟紫黑焦
枯實熱之症莫用。

砂參味甘苦氣微寒產北地惡防己反藜蘆

專補肺氣兼益脾腎滋五臟真陰去內外邪熱排膿定痛除
煩止癢熱而不敢用人參者須用砂參易者以此代人參
爲提故也。

黃芪味甘氣溫

堅實嫩軟皮黃肉白者佳惡龜甲生能透表

蜜水炙則可溫中痘四肢不起桂枝煎酒浸透用

肺經主藥專補氣最固肌生用補而能發無汗可發汗有汗可止汗瀉陰火解肌熱故痘家於六日以前生用痘後餘症亦生用灸則益元氣溫三焦實腠理壯脾胃生血生肌排膿內托誠起疔行漿之聖藥凡痘之皮薄漿清痒癢不起斷不可缺但六日以後宜固肌表乃宜灸用

肉桂味辛甘性大熱氣上浮而升純陽之品毒在皮宜去粗皮

用忌生葱石脂出嶺南桂州嫩枝爲桂枝

入肝腎血分抑肝風扶脾胃補益元陽疏通血脈能引血化

勝。善。於。拒。毒。凡。痘。之。救。表。虛。越。伏。陷。縱。重。用。參。芪。非。此。不。能。
成。功。誠。起。脹。之。妙。藥。補。托。之。劑。所。莫。缺。也。其。功。益。精。明。目。消。
瘀。生。肌。續。筋。骨。治。風。脾。但。能。動。胎。孕。婦。忌。之。
枝。溫。經。通。脉。發。汗。解。肌。調。和。營。衛。使。邪。氣。從。汗。而。出。且。達。四。
肢。走。手。足。凡。痘。四。肢。不。起。者。宜。于。補。中。用。少。許。以。爲。引。痘。後。
四。肢。腫。痛。及。手。足。拘。攣。者。亦。宜。用。之。

丁香。味。辛。而。氣。溫。純。陽。也。

泄。肺。溫。胃。療。腎。壯。陽。而。善。攻。腫。痘。之。脾。胃。虛。寒。泄。瀉。嘔。吐。灰。
白。不。起。者。急。宜。用。之。惟。實。熱。則。忌。

乾薑。生。薑。味。辛。而。氣。溫。炮。黑。爲。黑。薑。乾。晒。爲。乾。薑。

生薑行陽分而祛寒發表宣鬱氣而解肺調中暢胃口而開
痰下食通神明去穢惡救暴卒殺野禽之毒除山嵐瘴氣薑
皮能消水腫炮製黑薑善能煖胃而守中定嘔消痰去膜
腑沉寒痼冷能使陰長陽生故痘家虛寒冷症嘔吐泄瀉寒
戰咬牙灰白不起一切沉疴等症非此不療惟孕婦忌之
煨薑亦煖胃止吐

白豆蔻味辛而性熱

行三焦而煖胃散肺經之滯氣除寒濕化食積治腹痛嘔逆
痘家胃虛嘔吐者可用

肉豆蔻一名肉果味辛氣溫香

煨去油去油不淨則滑腸

理脾溫胃。下氣調中。逐冷祛痰。治吐沫嘔乳。善瀉大腸。以止
虛泄。痘家虛瀉。冷痢。急宜用之。但初熱慎之。恐滯毒於腸胃
也。

訶子 味苦酸。性急。生用清。金行氣。煨用溫。胃固腸。

泄氣消痰。斂肺降火。止瀉開胃。治腹脹嘔逆痰喘。開聲音最。
瀉腸痘當起脹。或有虛泄。急宜用之。若吐瀉並作。柯薏兼用。
附子味辛甘。有毒。而大熱。重者爲佳。生用發散。熟用峻補。

純陽之品。浮而不沉。走而不守。行十二經絡。無所不至。能引
補氣藥以回失散之元陽。引補血藥以滋不足之真陰。引發
散藥開腠理。以逐在表之風寒。引溫煖藥達下焦。以祛在裏。

老寒濕治中風中痰冷瀉霍亂痘家初出四肢厥冷元虛不能送毒或偶中風寒而面青唇白痘忽倒陷或氣血虛甚灰白痒癢寒戰咬牙一切虛寒等症非此不能收擦但症平痘起唇舌轉紅即當去此凡下桂姜附過用則損目發瘡以貽後患又不可不慎也

川烏即附子之母

功同附子而稍緩性能祛風故痘後手足拘攣風痺之症宜用附子川烏俱墮胎孕婦忌

茯苓味甘氣溫松根靈氣結成有赤白二色

但能健脾利水但白者補心脾赤者利濕熱俱能通竅除濕

調埋脾胃止泄瀉治淋瀝皮則專治皮膚水腫

茯神即茯苓抱根生者畧與茯苓同用

但茯神多入心主益志寧心安神定魂此皆滲濕利水之品
痘若升水未足斷不敢用惟收靨之際正宜用之以成結痂
之功

山藥性溫而滯

入脾肺二經補其不足清其虛熱固腸胃化痰涎止泄瀉
家七八日前勿用八九日間漿清皮薄者宜用收結時正宜
用生搗敷疽癰消腫硬瘰有水泡必宜用之

白朮味甘氣溫以泔水浸陳壁土炒用

補脾溫中在血補血在氣補氣無汗能發有汗能止利小便止虛瀉進飲食排膿貫漿治痘中水泡之聖藥但七八日前水不足恐其燥乾津液斷不敢用八九日後若漿清皮薄者急宜多用收結亦宜用之

貝母味苦氣微寒川產開刺者佳獨顆無瓣者不堪用

瀉心火散肺鬱止嗽化痰解渴除熱治肺癰瘰癧口凡痘有咳漱痰涎不用懼其性之寒涼也惟痘後痘癰于敷藥內用痘後咳嗽亦用

南星味辛苦氣平用薑渣黃泥和包煨又納黃牛胆口風乾則爲胆星連銀七服可比牛黃畏附子防風乾薑

治風散血拔毒除痰爲肝脾肺三經之藥治驚癇散鬱結
咳嗽破結下氣利水墮胎性更烈于半夏是以痘中罕用唯
痘後嗽者亦用胆星然生者善散瘡癰疥癬痘後毒腫爲未
敷之可以立愈

半夏味辛而氣溫有毒薑製反川烏能動胎

體滑性燥能走能散和胃健脾除濕化痰下氣逆開痰滯發
聲音救暴卒利水燥痰家忌用惟痘後乃宜亦可敷痘後
痘癰以退腫毒

馬兜鈴味辛苦性寒

清肺熱降肺氣治痰咳痘中莫用痘後肺熱而嗽者可用

地粉味苦氣寒

排膿消腫利膈除熱化腐生肌脾胃虛者莫用以其能傷胃也

厚朴味苦辛氣溫薑汁炒

入脾胃消結散濕平胃調中祛痰化食散結透氣有疏通之力治霍亂冷痛然多服損人元氣泄瀉則戒勿用孕婦亦宜莫役

烏梅味酸氣平

斂肺清腸消痰止渴解毒消腫

杏仁苦甘而溫

散肺中風寒。潤腸中燥結。治氣止咳。肺虛莫用。痘家有咳嗽。宜用。去皮尖。惡黃芪黃芩乾葛。

桃仁。苦甘而平。雙仁者不可用。桃花下宿水。療風狂。

通大腸。入血室。行滯血。破瘀血。生新血。治閉經痼症。有及漏人及痘家莫用。杏行氣秘。桃主血秘。

天竺黃。味甘而微寒。出南海。大竹之津結成。卽竹內黃粉石。者真。

清心火。去風熱。利竅。豁痰。鎮肝。明目。功同竹瀝。而性和緩。寒濕之患。治中風不語。小兒驚癇。痘症驚搐。散內不可。

珠甘而溫。

安中養脾發脾胃升騰之氣

西河柳能使痧毒外出治痧疹不出喘嗽悶亂沙糖調服治疹後痢

牛膝味苦酸而氣平出四川

益肝腎強筋骨行血活血引諸藥下行治癰腫惡瘡金瘡跌打痘後膝腿腫痛者當以之爲引藥但能墮胎

蘇木破血排膿消瘰去腫治閉經散瘀血瘕中莫用痘後痘癰亦宜慎之

石斛味甘氣平

除脾熱平胃氣清腎氣治滑精壯筋骨除脚軟瘡有脾胃虛

熱者亦宜用

苦參味苦氣寒

治時氣惡熱痧疹痒痛痘兼癰疥者用之

知母味苦辛氣寒而滑

清肺金而瀉火潤腎燥而滋陰消痰定嗽止渴安胎然傷胃滑腸痘中莫用痘後陰虛火動者宜用之

射干味辛氣平

主喉閉咽痛止咳嗽氣逆

薄荷味辛氣涼 薤白爲佳 虛人莫用

上升頭目發汗祛風濕肝風邪肺熱引諸藥入營衛治一切

頭風痘嗽甘熱驚風而明目能達痘毒以出皮膚

山慈菇味甘辛氣平

清熱散結善解諸毒

紫花地丁味辛苦而寒

葉如柳而細夏開紫花結角平地生

者起莖溝壑生者起蔓

最解痘毒及一切無名腫毒

白芨味苦辛性收瀉

專入肺經能止吐血肺傷損者可。使復生治跌打損傷接骨
續筋除瘰癧腫痛去朽肌腐肉痘後痘癰用以逐瘀血而生
新血痘後手足皸裂者用此塗之能令肌潤反用烏

淫。靈。味。辛。甘。氣。香。而。溫。北。地。有。羊。一。日。百。合。專。食。此。藿。

入。肝。腎。補。命。門。益。精。氣。壯。筋。骨。利。小。便。起。陽。不。興。理。陰。不。產。
及。手。足。麻。木。善。攻。瘰。癧。瘰。癧。有。犯。不。起。頂。者。用。之。立。效。但。不。敢。
多。用。多。則。生。庠。用。羊。脂。炒。

白。蒺。藜。味。苦。辛。而。氣。溫。

補。腎。瀉。腫。而。散。肝。風。去。眼。中。翳。障。治。腰。痛。咳。逆。催。生。下。胎。治。
瘡。痒。潰。爛。去。瘀。生。肌。

龍。膽。草。大。苦。大。寒。

入。肝。胆。而。瀉。火。入。膀。胱。以。除。濕。澆。血。明。目。而。消。赤。腫。痘。後。
眼。睛。紅。腫。者。用。之。

藥性平和味甘者方可用黃者入陰分白者入陽分紫者入

血分

益肺腎制心火而平肝木祛風除熱養自去醫痘後目疾宜用

欬之花味辛氣溫純陽甘草水浸一宿用花未開者佳

潤肝瀉熱消痰止渴明目定驚治肺癰喘嗽口吐膿血之要藥也痘家有嗽宜用以消痰

百部味甘而微溫

治肺熱咳嗽。甘積疥癬殺諸瘡虫

覆盆子味甘性微溫用葉絞汁滴目中出目弦虫除膚赤助

濕止淚

益腎水而固精。補肝虛而明目。起陽痿。縮小便。澤肌膚。髮能令男子陽興。女子多孕。痘後有腎虛。流淚視而失明者。宜用之。

草決明味甘苦氣平

入肝除風熱治一切目疾

青箱子微寒

祛肝經風熱治青盲翳障

穀精藥味辛而微溫

入肝胃二經。能升上浮。明目退翳。

蔓花味甘而微寒

潤肝明目治目中赤脈青盲下淚

石決明味鹹氣平

除肝肺風治青盲內障而通五淋

龍胆味苦而寒通明者佳撲塵水上投胆少許諸然而開

涼心平肝善治瀉熱祛痰去翳明目定驚

夜明砂幅鼠屎。蝕食蚊砂皆蚊眼故治目疾淘淨焙乾

肝經血分藥活血消積治目有障翳驚風疳積

望月砂卽兔屎。兔性常視日月其目得陰陽之精故明目

治癆瘵五疳善解痘毒入眼痘後眼中翳膜粟肉兔血小兒

常食出痘必稀。

葛蒲子味苦辛而微寒上升頭目

治頭痛腦鳴止目淚睛痛撲風涼血凡手足拘攣者亦用
以上痘後目疾備以選用

琥珀味甘氣平松脂入土年久結成色赤而明潤摩熱可吸芥
子者真

入肝與心消瘀血生肌肉寧心定魄治痘疹驚風鬼魅侵襲
又能明目去翳

珍珠味甘鹹而性寒感月而胎水精所孕乳浸研粉用

入心肝二經安胎定魄治熱社瘕小兒驚風聖藥善拔毒

治瘰癧生肌合口其效如神點入目中立除翳膜

牛黃味甘苦而涼牛有黃者肌瘦而毛潤多吮乳以盆乘水令不得飲渴甚其黃自吐水中爲生黃有角黃肝黃胆黃心黃胆黃最佳磨指印上黃印透印者佳真

清心解熱定魄安魂而辟邪解魅通竅定驚化痰之品無出其右吐出濃痰少許立化爲水治小兒驚搐有起死回生之效非凡藥之可比也且若能解毒痘家紫陷黑陷可以立起惟孕婦忌

麝香味辛性溫氣香其香聚處艸木皆黃

開經絡通諸竅透骨髓治暴卒驚風中痰中風板痘毒起黑

昭然實熱而發藥者用之有回天之力氣虛者而妄投之則殺人如反掌也切宜慎之

青礞石以硝拌勻煨至如金色爲度煨無金星者勿用
體重而沉平肝下氣爲治驚利痰之聖藥

冰片入肺而通心脾走而不守透骨入臟而通諸竅散鬱火
治驚癇痰迷目赤翳障痘家能起黑陷

白附味甘辛性大熱治痘風熱不退引藥上行祛痰治中風

天麻味辛氣溫

入肝經益氣強陰祛風消痰治小兒驚癇與諸風症

鉤藤味苦而微寒

除心熱平肝風治驚啼與盤腸內疳痘後手足牽強一切風症

威靈仙性溫

其性善走能疎五臟通經絡

硃砂性平

定心安魂辟邪鬼善解毒能起痘之紫黑治小兒一切驚搐定大人之顛狂

神砂性平如鏡面者佳

鎮心要藥養血活血善治驚狂凡痘之心神不安者無論前後俱不可缺

蒼朮味甘辛性溫而烈

燥胃強脾爲除濕之聖藥亦能發汗以升胃之陽氣治水腫
辟邪癘痘之初中忌用芫水泡雞臙痘後浮腫宜用

遠志味苦辛性溫去心用

主心經兼通腎氣強志益智開聰明而利九竅治迷惑善忘
夢遺驚悸痘後心神恍惚者宜用之

石菖蒲性溫

開心利竅而除風濕然能散氣痘家莫用

細辛味辛性溫

散風邪走九竅其性烈痘恐耗氣莫用

木明性溫

發汗解肌。善除目翳。病後自有翳者用之。

枸杞性平

益氣生精而助陽。去風明目。腎虛宜用。

桑仁味酸性溫

補肝膽而醒脾。爲寧心之要藥。

杜仲性溫

補腎益肝。強筋健骨。善治腰痛。腎經發痘宜用。

桑白皮性寒

專瀉肺火。治嗽清痰。痘後咳逆宜用。

桑寄生益血助筋散瘡祛風

川練微寒

導膀胱之熱。引相火下行。通小便。治疝氣之要藥。

亦能殺虫療疥。

烏蘘微溫

疏胸快氣。消食積。治膨脹。

五加皮性溫

順氣化痰。祛風勝濕。逐皮膚之瘀血。療手足之。

拘攣痘後風痺宜用

芙蓉花

清肺涼血散熱止痛消腫排膿治一切癰疽腫毒大

有殊功痘後疽癰宜用

皂角

性燥烈氣浮而散入肺經搜風熱通上下開竅一切痰

迷搐症爲未吹入鼻中可以立酥但痘中恐其散氣不敢妄用其刺能達患處以潰疤疽痘後欲潰疽宜用

沉香

性溫下氣而墜痰涎入腎而煖精壯陽

乳香

性溫通十二經能祛風伸筋活血調氣托裏生肌治諸

疽痛痘後治疽宜用

沒藥

性平入諸經散結氣通滯血消腫定痛而且生肌治瘡

後痘癰惡瘡之要藥也

血溫性急。入血分補心血之不足。專除血痛。散瘀生新。乃種

血之聖藥。治跌損打傷。止痛生肌。

以染透指用者真。

麝香味苦而大寒。治清熱殺重涼肝明目。治驚癇殺府。重吹入

鼻內可除鼻痒。而痘中勿用。

巴豆性熱有毒。開竅宣滯。去臃腫。沉寒積滯。爲斬關奪門之

將立。可令人泄瀉。是痘家之忌藥也。

蓮翳性溫。清心通腎。益血固精。夢泄遺精必用。

荷葉性平。燒灰存性能起痘。倒靨止痘。發痒。

炙地味。補脾去濕。治泄瀉止滑精。

續斷性溫川產

補肝腎通氣血理筋骨煖子宮治腰痛凡

後筋骨不舒者必用之

骨碎補性溫

補腎強骨能破血止血治筋骨折傷痘後骨節

疼痛筋骸牽强者宜用之

益母草微寒

消水行血去瘀生新調經解毒治血風血痛爲

經產之聖藥

青黛微寒

瀉肝清熱散五臟之鬱火解蘊蓄之風熱治發斑

定驚痢除升執

防己微寒

行十二經通腠理利九竅瀉下焦濕熱爲瘰癧

之要藥降氣下痰而行脾氣痘後足腫宜用

自逐寒而有毒反甘草

入腎經。祛水濕。直達水氣所結之處。爲下水之聖藥。凡痘後腹滿水腫。宜用之。

大戟。寒而有毒。

瀉臟腑水濕。行血發汗。治十二水。凡風毒脚腫。宜用通經。胎而損元氣。不可妄施。

藺蘼。寒而有毒。沉陰下行而療水腫。然亦不可妄用。

常山。寒而有毒。能引吐行水而祛痰。專治瘧疾。虛人莫用。

芡實。醋煮用。生溫熟熱。純陽之性。

能回垂絕之元陽。煖子宮。逐寒濕。調經安孕。孕婦忌服。宜用。

玄胡索性溫 活血行氣調經藥孕婦則忌

三七微溫以未調豬血血化爲水者真

散血定痛爲金瘡折傷聖藥

地榆微寒炒黑用 入下焦除腸風血痢

鬱金微寒純陰之品

涼心熱散肝鬱下氣破血治鬱結心痛與顛狂失心或痘毒入心者宜用之

莪朮氣溫 破氣中之血消瘀通經解食積治腹痛

三稜氣平 入肝經破血中之氣散血瘀氣結破停食積塊

芫根寒而滑 破瘀解熱搗貼赤火遊丹癰疽癰毒汁能托毒

爲水

燈草微寒

降心火清肺熱。燒灰。塗乳可止夜啼。吹臍能

扁蓄氣平

殺虫疥利小便。治黃疸疳積。

茵陳微涼

發汗利水。以除脾經濕熱。治黃疸之君藥也。

查蘼微溫

爲清暑之聖藥。能利水而降熱也。

故芷大溫

入命門補相火。以通君火。煖丹田。壯元陽。治腰膝

冷痛。腎冷精流。

肉蓯蓉大溫。酒蒸炙用。

入腎經血分。補命門。補火。滋潤五臟。益髓強筋。治五勞七傷。

絕陽不興。絕陰不產。腰膝冷痛。崩帶遺精。爲補精血之峻藥。

瑱陽性溫酥灸用 益精興陽潤燥養筋治陽痿能固精

巴戟微溫 八腎經強陰益精治五勞七傷理風氣脚氣水腫

胡盧巴溫而純陽 入命門煖丹田壯元陽治陽氣不能歸元

且治疝氣理寒濕脚氣

蛇床子性溫 強陽益陰補腎散寒治陰痿囊濕女子陰痛陰

痿子宮虛寒庭門不閉一切命門之病可以兼除且合瘡藥

則能殺虫煎水浴可去風痒

兔絲子潤而平 強陰益精不助相火治精寒淋瀝祛風明目

益氣健人

使君子氣溫 健脾胃殺臟虫治五疳爲小兒疳積要藥也

益腎溫而熱。人心腎補心氣命門之不足能固精固氣且開發鬱結使氣得宜。

草豆蔻一名草果微熱。健脾煖胃破氣除痰能除瘧疾。

香附性平。血中氣藥。通行氣脉。主一切氣滯。利三焦。解六鬱。止腹痛。調經行血。去瘀生新。乃婦人之聖藥也。

木香味辛而性溫。形如枯骨者佳。

氣分之藥。能升能降。泄肺氣。疏肝氣。治一切氣痛。心痛。是大腸消食安胎。痘家內花之劑。宜用。但能散氣。亦不敢多用。苗香味辛而熱。大苗入膀胱。煖丹田。補命門。開胃進食。治疝氣。消陰腫。小苗亦能入腎發邪。但痘家不宜妄用。

什松性溫

理氣醒脾治腹卒痛

牙疳而消脚腫

山柰性溫

治心痛冷痛而理牙風台香而能辟惡

夏薑性熱

暖胃散寒治胃脘痛

土茯苓氣平

健脾胃祛風濕止泄瀉治筋骨拘攣諸瘡之毒

白欬氣寒

解火熱生肌止痛斂瘡方多用之

馬齒莧微寒

散血解毒能治惡瘡

絲瓜氣平

涼血解毒能起痘黑陷藤燒灰吹鼻淵

自然銅氣平

散瘀止痛能續筋骨折打損傷必用

訶僧有小毒

止血散毒桐油調敷能消瘡癰之腫

冰銀寒而有毒

鼎殺瘡疥之毒墮胎絕孕

赤石脂微溫 止血收濕治泄瀉遺精収口長肉催生下胞

輕粉性冷 殺虫治瘡癰癰藥多用之

雲母氣平 堅肌續絕治癰疽瘡腫

礞石性溫煨紅童便淬七次

止血消腫收濕除爛退赤去翳爲目疾要藥

鐘乳性溫忌參朮

強陰益陽通百節利九竅令人陽氣暴充多服不免疽毒

雄黃性溫 八肝搜風殺百毒治驚癇化血爲水可辟鬼邪痘

摺入定驚丸用且能起黑陷

硫黃有毒大熱純陽 補命門真火煖精壯陽疎利大腸若陽

氣暴絕亦救危之妙藥。且殺虫療瘡而辟鬼魅。

枯礬微寒

取牆之品生肌緊肉治疽瘡而令合口。

膽礬微寒

入膽經性斂而上行。令吐痰涎而立刻且殺牙疳。

青鹽微寒

補腎固齒。

阿膠性平

清肺養肝滋腎益氣和血補陰除風化痰潤燥。

喘安胎調經引血歸元故止吐血衄血。

龍骨微寒

煨用能收斂瘡腸固精辟邪解毒治遺精滑泄。

海螵蛸微溫

炙用通血脈祛寒濕治目翳出淚。

龜板氣平

滋陰益腎理陰虛血熱治勞傷骨蒸。

蜆屬煨用

取清之藥治遺精崩帶固大小腸。

五倍子氣寒性清

降火化痰止血定嗽療瘡鮮消目腫斂瘡口

白蠟

生肌止血解毒定痛外科必用

斑蝥

寒而有毒潰肉墮胎通經捷效

丹參氣平而降

破宿血生新血安生胎墮死胎爲女科聖藥

又排膿生肌治瘡毒癰腫

天門冬大寒

人肺分清金降火止渴消痰而滋腎水

桑葉性溫而氣雄

上祛風寒而治頭痛下行去濕而治泄瀉

桑葉性溫

養血榮筋祛風寒除濕熱治拘攣骨蒸之症

粳米氣平

得天地中和之氣滋養營衛人賴以生陳久者能

補脾胃止虛泄

糯米氣溫。能補中氣。取自汗起痘瘡。入補劑。排腫化毒。

黑豆氣微寒。活血解毒。能解腎經痘毒。

黃豆。能解脾胃痘毒。燒灰可治痘瘡破爛。

赤小豆。能解心經痘毒。

綠豆氣寒。行十二經清熱解毒。爲末可治痘瘡世癩。

酒。行血行氣。過飲則傷神耗血。動火生痰。

非氣溫。入血分而行氣。益胃助腎。補命門之火。

茲溫而散。發汗解肌。以通上下。阻氣痘後及見點其服。

藥氣溫。辟一切不正之氣。麻疹痘瘡不出。煎酒噴之立効。

雞

能補虛溫中。可起痘行漿。但益肝火。痘初莫用。八九

日後宜用。雞蛋滯氣。不宜用。雞冠血可攻痘毒。

鴨

性冷。老者能滋陰降火。痘家莫用。麻疹無妨。

猪

心血用作補心藥之引。故心虛而驚怖者用之。

尾血中

髓而來。故腎經發痘者和片與參。能起痘陷。一服去目而藏

血用之。可以明目。

肺則補肺用之。可治虛嗽。

肝入脾胃。

和補藥。可以健脾。

腰通腎。猪腰子和胡椒。可治腰痛。

腸

入大腸。可治腸風下血。

膽瀉肝胆之火。而明目。

象膽入

膀胱而利小便。一猪脂能潤燥而滑大腸。

猪蹄可以通乳。

猪肉暑滯氣。不可多食。

犬肉性溫

煖脾胃助陽事黃補脾而黑補腎

羊肉性熱

益氣血壯陽道開胃健力通氣發瘡肝能明目膽

止風源

牛肉

安中補脾牛乳潤腸解熱補虛勞

柿乾性平

懣腸潤肺清上焦心肺之熱

菜微寒

潤肺涼心利大小腸治痰喘失音血虛人忌

梅攪微溫

清喉生津核磨泉水點眼去翳

白果性溫

善于收瀉縮小便治白濁

石榴皮微溫

能瀉陽止瀉治崩帶脫肛

龍眼性溫

益脾養心葆血痘將落腹時用

荔枝性溫入肝腎益氣行血。能散滯氣。辟寒邪。治胃脘痛。婦人血氣痛。能發痘瘡。

落花生潤肺舒脾。

蓮子溫而滴。補脾胃。瀉大腸。安靖上下。君相之火。治泄瀉。心能清心。可療產後血渴。

荷葉燒灰合藥。助脾胃而升發陽氣。可治痘倒靨。

種痘新書卷之一終